



Broj: 01/02-41-17745-1/17
Zenica, 25.12.2017. godine

g-din AMIL BULJUBAŠIĆ, poslanik u Skupštini Zeničko-dobojskog kantona

PREDMET: Odgovor na poslanička pitanja sa 51. sjednice Skupštine

Poštovani,

Na 51. sjednici Skupštine Zeničko-dobojskog kantona održanoj dana 18.12.2017. godine, u okviru predtačke dnevnog reda: „Postavljanje poslaničkih pitanja i pokretanje inicijativa“, postavili ste predsjedavajućem Skupštine i sekretaru Skupštine 2 poslanička pitanja u vezi određivanja sastava delegacije koja je dana 01. decembra 2017. godine u Tešnju zvanično ispred Skupštine prisustvovala manifestaciji obilježavanja 25 godišnjice Trećeg korpusa Armije Republike Bosne i Hercegovine i položila cvijeće na spomen obilježju, u vezi čega ste pitali da li je došlo do kršenja Poslovnika Skupštine odnosno da li postoji akt kojim se definiše i ko i kako određuje sastav delegacija na takvim i sličnim manifestacijama, povodom čega Vam, kao sekretar Skupštine, dostavljam slijedeći odgovor:

U opisu poslova radnog mjesta sekretara Skupštine utvrđenih u važećem Pravilniku o unutrašnjoj organizaciji Stručne službe Skupštine i sistematizaciji radnih mjesta nisu navedeni poslovi vezani za organizuju posjeta delegacije Skupštine bilo kakvim manifestacijama već su ti poslovi u nadležnosti i opisu poslova radnog mjesta šefa protokola Skupštine, koji po uputama i zahtjevima predsjedavajućeg Skupštine obavlja pomenute poslove, a kojima pruža tehničku pomoć i namještenica na radnom mjestu „Viši referent za tehničke poslove predsjedavajućeg i sekretara Skupštine“, (naručivanje odgovarajućeg cvijeća, kontaktiranje sa nadležnim osobama i sl.). Tako u konkretnom slučaju sekretar Skupštine nije ni na koji način bio uključen u određivanje sastava delegacije Skupštine, niti je o tome bilo šta pitan ili konsultovan, jer to nije njegov posao.

Pomenuto pitanje, (način određivanja sastava delegacije Skupštine koje će prisustvovati određenim manifestacijama i obilježavanju značajnih datuma i događaja), nije uopšte regulisano niti jednom odredbom Poslovnika Skupštine Zeničko-dobojskog kantona-Novi Prečišćeni tekst («Službene novine Zeničko-dobojskog kantona», broj: 7/12 i 12/13), zbog čega nije moglo doći do povrede odredbi istog Poslovnika. Jedino je odredbom člana 12. Poslovnika Skupštine Zeničko-dobojskog kantona, stav 1. alineja 1. propisano da predsjedavajući Skupštine, ima pravo i dužnost da predstavlja Skupštinu.

Trenutno, niti jednim aktom Skupštine Zeničko-dobojskog kantona nije regulisano pitanje određivanja sastava delegacija Skupštine na manifestacijama i obilježavanju značajnih datuma i događaja.

S poštovanjem,

SEKRETAR

Ibrahim Avdagić

Dostavljeno:

1x Imenovanom, (na e-mail adresu),

Svim poslanicima Skupštine, (na e-mail adresu)/05-03

1 x Dženanu Begoviću, šefu protokola Skupštine,

1 x U spis predmeta/05-03